

Tajuk : Program Kolaborasi Antarabangsa dan Jemputan Sebagai Profesor Adjung di Universitas Muhammadiyah Surakarta (UMS), Indonesia

Pada 24 sehingga 28 September 2023, Dr, Siti Aisyah Salim bersama Dr. Sonia Lohana telah dijemput ke Universitas Muhammadiyah Surakarta (UMS) Indonesia sebagai Profesor Adjung dan kolaborasi antarabangsa. Pada sesi lawatan ini telah berlangsung beberapa aktiviti termasuk perbincangan kolaborasi antarabangsa dan perkongsian ilmu untuk beberapa sesi pembelajaran bersama pelajar UMS.

Antara aktiviti sepanjang lawatan ini adalah sesi perkongsian ilmu bersama pensyarah muda Fakultas Ekonomi dan Bisnis, UMS. Pada sesi ini, beberapa tips kepada pensyarah muda telah diberikan termasuk kepada yang ingin menyambung ke peringkat PhD dalam masa terdekat. Sesi ceramah umum telah dilaksanakan pada hari kedua lawatan dengan tajuk ceramah “*Information Systems in Start-up: Why and Where to Start*”. Pada sesi ini, definisi SMEs ataupun startup yang tepat telah diberikan disamping memberi pendedahan pentingnya sistem maklumat dalam setiap perniagaan terutamanya perniagaan kecil dan yang baru memulakan perniagaan.

Perbincangan mengenai penerbitan menjadi antara fokus utama yang kami bincangkan. Pihak UMS sangat teruja dengan usaha ini dan mengharapkan beberapa penerbitan kerjasama dapat dilaksanakan dalam masa terdekat. Akhir kata, program lawatan ke UMS ini sangat berjaya dan diharap banyak lagi aktiviti-aktiviti seperti dapat dilaksanakan pada masa hadapan.

Disediakan oleh Dr. Siti Aisyah Salim



